

通志卷一百六十六

宋 右迪功郎 鄭樵 漁仲 撰

忠義傳第一

晉史始立忠義傳後魏曰節義隋曰誠節今總曰

忠義

魏魏不立此傳今取典
韋等四人以爲編

典韋

龐惠

龐涓

母閻溫張恭
娥恭子就

晉

嵇紹

從子

王豹

劉沉

麴允

焦嵩

賈渾

王育

韋忠 辛勉 族弟 劉敏元 周該 叔父 桓雄 韓

階 周崎 易雄 樂道融 虞悝 沈勁 吉

挹 祖 王諒 宋矩 車濟 丁穆 辛恭靖 羅

企生 張禕

宋 宋不立此傳以龔穎張進之卜天與三人附孝義今析置此仍取袁淑袁粲二人冠之于首

袁淑 袁粲 子最 龔穎 張進之 卜天與 子伯

宗 弟天生 朱

齊 齊不立此傳以邱冠先附孝義今析置此又取張沖一傳附于其下

邱冠先 張沖 房僧寄

梁梁不立此傳今檢張嶠等四人爲編

張嶠 江子一 沈峻 韋粲

陳陳不立此傳今以魯廣達充之

魯廣達楊孝辯

後魏

于簡 段進 汲固 王元威 婁提 劉渴侯

朱長生于提 晁清 劉侯仁 王榮世鄧元興 胡小

彪 孫道登宗靈恩宗女 郭琰 沓龍超 乙速孤佛

保

周

周書有孝節傳以李棠杜叔毗爲編今析杜叔毗列在孝友復取柳檜一人與李棠置於此

李棠 柳檜

隋

劉弘 游元 馮慈明 張須陀 楊善會 獨

孤盛 盧楚元文都 劉子翊 堯君素 陳孝意張季

珣季珣弟仲琰仲琰弟幼琮杜仲贊

魏魏不立此傳今取典 韋等四人以爲編

典韋陳留已吾人也形貌魁梧旅力過人有志節任俠

襄邑劉氏與睢陽李永爲讎韋爲報之永故富春長備

衛甚謹韋乘車載雞酒僞爲候者門開 匕首入殺永
并殺其妻徐出取車上刀戟步出永居近市一市驚駭
追者數百莫敢近行四五里遇其伴轉戰得脫由是爲
豪傑所識初平中張邈舉義兵韋爲士屬司馬趙寵牙
門旗長大人莫能勝韋一手建之寵異其材力後屬夏
侯惇數斬首有功拜司馬太祖討呂布於濮陽布有別
屯在濮陽西四五十里太祖夜襲其屯比明破之未及
還會布救兵至三面捍戰時布身自搏戰自旦至日昃
數十合相持急太祖募陷陣韋先占將應募者數千人

皆重衣兩鎧棄楯但持長矛撩戟時西面又急韋進當之賊弓弩亂發矢至如雨韋不視謂等人曰虜來十步乃白之等人曰十步矣又曰五步乃白等人懼疾言虜至矣韋手持十餘戟大呼起所抵無不應手倒者布眾退會日暮太祖乃得引去拜韋都尉引置左右將親兵數百人常繞太祖帳韋旣壯武其所將皆選卒每戰鬪韋先登陷陣遷爲校尉性忠至謹重常晝立侍終日夜宿帳左右稀歸私寢好酒食飲噉兼人每賜食於前大飲長歡左右相屬數人益乃供太祖壯之韋好持大雙

戟與長刀等軍中爲之語曰帳下壯士有典君提一雙戟入十斤太祖征荊州至宛張繡迎降太祖大悅延繡及其將帥置酒高會太祖行酒韋持大斧立後刃徑尺太祖所至之前韋輒舉斧目之竟酒繡及其將帥莫敢仰視後十餘日繡反襲太祖營太祖出戰不利輕騎引去韋戰於門中賊不得入兵遂散從他門並入時韋校尙有十餘人皆殊死戰無不一當十賊前後至稍多韋以長戟左右擊之一叉入輒十餘矛摧左右死傷者略盡韋被數十創短兵接戰賊前搏之韋雙挾兩賊擊殺

之餘賊不敢前韋復突賊殺數人創重發瞋目大罵而死賊乃敢前取其頭傳觀之覆軍就視其軀太祖退住舞陰聞韋死爲流涕募閒取其喪親自臨哭之遣歸葬襄邑拜子滿爲郎中車駕每過常祀以中牢太祖思韋功拜滿爲司馬引自近文帝卽王位以滿爲都尉賜爵關內侯

龐惠字令明南安狽道人也少爲郡吏州從事初平中從馬騰擊反羌叛氏數有功稍遷至校尉建安中太祖討袁譚尙於黎陽譚遣郭援高幹等照取河東太祖使

鍾繇率關中諸將討之惠隨騰子超拒援幹於平陽惠
爲軍鋒進攻援幹大破之親斬援首拜中郎將封都亭
侯後張白騎叛於弘農惠復隨騰征之破白騎於兩穀
閒每戰常陷陣卻敵勇冠騰軍後騰徵爲衛尉惠留屬
超太祖破超於渭南惠隨超亡入漢陽保冀城後復隨
超奔漢中從張魯太祖定漢中惠隨眾降太祖素聞其
驍勇拜立義將軍封關門亭侯邑三百戶侯音衛開等
以宛叛惠將所領與曹仁共攻拔宛斬音開遂南屯樊
討關羽於樊下諸將以惠兄在漢中頗疑之惠常曰我

受國恩義在効死我欲身自擊羽今年我不殺羽羽當
殺我後親與羽交戰射羽中額惠常乘白馬羽軍謂之
白馬將軍皆憚之仁使惠屯樊北十里會天霖雨十餘
日漢水暴溢樊下平地五六丈惠與諸將避水隄上羽
乘船攻之以大船四面射隄上惠乃被甲持弓箭不虛
發將軍董衡部曲將董超欲降惠皆收斬之自平旦力
戰至日過中羽攻益急矢盡短兵接戰惠謂督將成何
曰吾聞良將不怯死以苟免烈士不毀節以求生今日
我死日也戰益怒氣益壯而水浸盛吏士皆降惠與麾

下將一人伍伯二人彎弓傅矢乘小船欲還仁營水盛
船覆失弓矢獨抱船覆水中爲羽所得立而不跪羽謂
曰卿兄在漢中我欲以卿爲將不早降何爲惠罵羽曰
豎子何謂降也魏王帶甲百萬威振天下汝劉備庸才
耳豈能敵邪我寧爲國家鬼不爲賊將也遂爲羽所殺
太祖聞而悲之爲之流涕封其二子爲列侯文帝卽王
位乃遣使就惠墓賜謚策曰昔先軫喪元王蠋絕脰隕
身徇節前代美之惟侯戎昭果毅蹈難成名聲溢當時
義高在昔寡人愍焉謚曰壯侯又賜子會等四人爵關

內侯邑各百戶會勇烈有父風官至中衛將軍封列侯
龐清字子異酒泉表是人也初以涼州從事守破羌長
會武威守張猛反殺刺史邯鄲商猛令曰敢有臨商者
死不赦清聞之棄官奔走號哭喪所訖詣猛門衷匕首
欲因見以殺猛猛知其義士勅遣不殺由是以忠烈聞
太守徐揖請爲主簿後郡人黃昂反圍城清棄妻子夜
踰城出圍告急於張掖敦煌二郡初疑未肯發兵清欲
伏劍二郡感其義遂爲興兵軍未至而郡城邑已陷揖
死清乃收斂揖一還本郡行服三年太祖聞之辟爲

掾屬文帝踐阼拜駙馬都尉遷西海太守賜爵關內侯
後徵拜中散大夫薨子曾嗣初清外祖父趙安爲同縣
李壽所殺清舅兄弟三人同時病死壽家喜清母娥爲
父報讎白日刺殺壽在列女傳

閻溫字伯儉天水西城人也以涼州別駕守上邽令馬
超亡奔上邽郡人任養等舉眾迎之溫止之不能禁乃
馳還州超復圍州所治冀城甚急州乃遣溫密出告急
於夏侯淵賊圍數重溫夜從水中潛出明日賊見其跡
遣人追遮之於顯親界得溫執還詣超超解其縛謂曰

今成敗可見足下爲孤城請救而執於人手義何所施
若從吾言反謂城中東方無救此轉禍爲福之計也不
然今爲戮矣溫僞許之超乃載溫詣城下溫向城大呼
曰大軍不過三日至勉之城中皆泣稱萬歲超怒數之
曰足下不爲命計邪溫不應時超攻城久不下故徐誘
溫冀其改意復謂溫曰城中故人有欲與吾同者不溫
又不應遂切責之溫曰夫事君有死無貳而卿乃欲令
長者出不義之言吾豈苟生者乎超遂殺之先是河右
擾亂隔絕不通敦煌太守馬艾卒官府又無丞功曹張

恭素有學行郡人推行長史事恩信甚著乃遣子就東
詣太祖請太守時酒泉黃華張掖張進各據其郡欲與
恭并勢就至酒泉爲華所拘執劫以白刃就終不回私
與恭疏曰大人率勵敦煌忠義顯然豈以就在困厄之
中而替之哉昔樂羊食子李通覆家經國之臣寧懷妻
孥邪今大軍垂至但當促兵以掎之耳願不以下流之
愛使就有恨於黃壤也恭卽遣從弟華攻酒泉沙頭乾
齊二縣恭又連兵尋繼華後以爲首尾之援別遣鐵騎
二百迎吏官屬東緣酒泉北塞徑出張掖北河逢迎太

守尹奉於是張進須黃華之助華欲救進西顧恭兵恐急擊其後遂詣金城太守蘇則降就竟平安奉得之官黃初二年下詔褒揚賜恭爵關內侯拜西域戊己校尉數歲徵還將授以侍臣之位而以子就代焉恭至燉煌固辭疾篤太和中卒贈執金吾就後爲金城太守父子著稱於西州

晉

嵇紹字延祖魏中散大夫康之子也十歲而孤事母孝謹以父得罪靖居私門山濤領選啟武帝曰康誥有言

父子罪不相及嵇紹賢侔卻缺宜加旌命請爲祕書郎
帝謂濤曰如卿所言乃堪爲丞何但郎也乃發詔徵之
起家爲祕書丞紹始入洛或謂王戎曰昨於稠人中始
見嵇紹昂昂然若野鶴之在雞羣戎曰君復未見其父
耳累遷汝陰太守尙書左僕射裴頠亦深器之每日使
延祖爲吏部尙書可使天下無復遺才矣沛國戴晞少
有才智與紹從子含相友善時人許以遠致紹以爲必
不成器晞後爲司州主簿以無行被斥州黨稱紹有知
人之明轉豫章內史以母憂不之官服闋拜徐州刺史